



## Aningaasaqarnermut Naalakkersuisoq

Ulloq: 12. august 2018  
J.nr.: 01.31.06/18-00805

### Aningaasaqarnermut Akileraartarnermullu Ataatsimiititaliap pingasunnornermi ulloq 8. august 2018-imi aalajangiineranik Naalakkersuisunut ilisimatitsineq.

#### Pinngortitaleriffiup ilisimatusarnermi angallatissaanut nutaamut aningaasaliissutinit ilisutissanik qinnuteqaat. - Suliaq nr. 01.31.06/18 - 00805.

Naalakkersuisut inassutigaaat,

- ”- Kontomi pingaarnermi 87.75.01 Pinngortitaleriffimmut angallat nutaaq, suliaq nutaaq nr. 060.61.003 Pinngortitaleriffimmut angallat nutaaq 95 mio. koruuninik aningaasaliiffiqineqarluni pilersinneqassasoq, aamma
- IST-p inerner 2018-imi 95,0 mio. koruuninik ajorseriaateqassasoq.”

#### Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

M/TR Paamiut taartissaanik pilersaarusernerup assut pingaartinneqartariaqarneranik Naalakkersuisut isumaqarnerat ataatsimiititaliamit isumaqatigineqarpoq. Suliaq annertussusia (200 mio. kr.) pingaaruteqarneralu eqqarsaatigalugit aningaasanut inatsisissaq pillugu kinnullermik isumaqatigiinniarnerni suliaq sooq ilanngunneqarsimannginnersoq paasissutissiisutigineqassasoq ataatsimiititaliamit kissaatigineqarpoq.

Angallatip piffissaq piusinnaassusiatut naatsorsuutigineqartoq eqqarsaatigalugu suliaq ukiaaru aningaasanut inatsisissaq pillugu isumaqatigiinniarnernut ilanngunneqarnissaa anner-tuumik akornutissaqartussatut ataatsimiititaliamit takorloorneqanngilaq. Tamatumunnga Naalakkersuisut oqaaseqaateqarnissaat ataatsimiititaliamit kissaatigineqarpoq.

Kiisalu Sanna siunissami qanoq pitsaanerpaamik atorneqarsinnaasut Naalakkersuisunni isigineqarnersoq paasissutissiisutigineqassasoq ataatsimiititaliamit kissaatigineqarpoq. Sanna M/TR Paamiullu piginnaasaat atorsinnaassusiallu sutigut assigiinngissuteqarner-sut paasissutissiisutigineqassasoq ataatsimiititaliamit kissaatigineqarpoq.

#### Aningaasaqarnermut Akileraartarnermullu Ataatsimiititaliap aalajangiinera

Siuliani allasimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput**.

Inussiarnersumik inuulluaqqusillunga

Hermann Berthelsen

Aningaasaqarnermut Akileraartarnermullu Ataatsimiititaliap siulittaasua